

KORRIKA IRUDITAN



KORRIKAREKIN AMETSETAN. Pozik ziren AEK-ko ardura-dunak Gasteizko abiada zela eta, nahiz eta korrikalari batzuek lo kuluxka egiteko baliatu zuten. Umetxoak korrikaldiren batekin amets egin zuela kontatuko zion gero akaso etxera heltzean.



SU TAN TAN. Edo ikuskaria ikuskariaren aurretik. Korrika abiatu baino lehenxeago, bat-batean, San Migel elizako eskaileretatik perkusio jole batzuk agertu ziren. Tartean, lazoak ibili zituzten irudi espektakulo batean. Su Tan Tan taldea zen, eta plaza girotzea lortu zuen.



HARRI ETA LUR. Irteera polita izan zuen Korrikak, eta, nonbait, batzuk harri eta lur geratu ziren AEK-k Gasteizen prestatutakoa ikusirik, argazkiak jasotako Andra Mari Zuriaren plazako monumentoko irudiok, kasu. Petoa izan zen, nola ez, eutsi zuen bakarra...



Juan Jose Ibarretxe, lekukoarekin. Ezkerretan Erramun Osa, eta eskuinean, Mari Karmen Garmendia.

Eta lehendakaria... aurrera

HASIERA. Juan Jose Ibarretxek Antonio Karmonaren eskutik bigarren lekukoa hartu eta Iñaki Landa Zeledoni eman zion gero

Luis Karlos Garcia | GASTEIZ

K irolari arituaren ospea du Juan Jose Ibarretxek, eta, atzo, Gasteizko proban, marka berria ezarri zuen, baina ez denborakoa: Korrikan aritzen den Eusko Jaurlaritzako lehendabiziko lehendakaria izan zen, bizitzako lasterketa errazena gertatu ez zitzaien arren.

«Badatoz!», ohartarazi zion AEK-ko Anjel Olalde *Bukak*, karabana begi bistara zutela. Lehendakariak, gabardina alde

batera utzi, eta, Erramun Osa beti-beti alboan, bigarren lekukoa hartu zuen Antonio Karmonaren eskutik. Eguzki polita zegoen, baina orduantxe bota zuen *ekaitza*: kamaren hodei erraldoia horma baten modura, *PNV euskararen alde* zioten eskuorriak eta *PNV espainola* zioten pankarta agertzen hasi zirelarik... Arrautzak ere bota zituzten tarteka, eta kazetariren batek baino gehiagok aurpegian bete-betean jaso... Ibarretxek berak gertutik ikusi zituen, baina lehendakaria, aurrera:

irribarrea aurpegian eta kama-rei begirada atseginak. Txistuak entzun ziren, protestaldiaren aurkako komentarioren bat eta baita txalo zaparradak ere... Baina lehendakaria, aurrera.

Seguritateko batzuen petoak aldrebes jantzita

Katedral berrian hartu zuen, Florida parkea igaro, eta, Marianistas ikastetxea bazter utzita, Justizia Epaitegiraino ailegatu zen, oinez edo saltoka, korrika baino gehiago. Seguritate zerbitzu ederra zeraman (ba-

PROTESTALDIA

EAJren aurkako eskuorri eta pankartak erakutsi zituzten batzuek, eta arrautzak bota, Ibarretxek lekukoa hartu zuela

MEZUA

Lehendakariak «gaur Korrikan eta bihar etxean zein lanean» euskararen alde egiteko eskatu zuen

tzuk petoa aldrebes jantzita ere), baina Osa, Buka eta Iñaki Berezibar euskaltzale arabarra izan zituen *bizkarzain* propiorik onenak. Parean, lagun dezente: Mari Karmen Garmendia Kultura sailburua eta Roman Berriozabal, biak ere euritakoarekin lasterka; Maria Jesus Agirre Gasteizko zinegotzia, kirolez jantzitako gutxienetakoa; EAKo Eneko Oregi ere, purorik gabe baina pozarren; Arabako Ikastolen Elkarteko Joseba Aginaldek ere lasterketa polita egin zuen.

Gasteiz hiribideko gasolindegira tipi-tapa ailegatu eta Iñaki Landa *Zeledon* zeukan zain. Besarkadak, lekukoa eman eta hortxe amaitu zuen txangoa. «Lehendakari, mesedez: aurrera!», eskatu zion gerturatu zitzaien emakume batek, emozionaturik, kilometroa amaituta. «Bai, bai, animo!», erantzun zion Ibarretxek, eta, agudo, kazetariengana atzera. «Euskarak guztion beharra du», adierazi zuen. «Bide luzea falta zaigu oraindik, baina denon artean egingo dugu, gaur Korrikan eta bihar lanean zein etxean». Petoa oraindik zeramala joan zen mokaua hartzera inguruko hotel batera. Arratsalde osoan bezala, Osa eta Buka ondoan... eta aurrera.

HEDABIDEAK

Europako ZDF telebista kateak lan ederra egin zuen

Eromena zen nagusi Gasteizko Andra Mari Zuriaren plazan Korrika irten aurretiko uneetan. Hedabide guztiak jo ta ke zebiltzan, eta, tartean, Europan diharduen ZDF telebista kateko langileak ere. Antonio Karmona Alaveseko jokalariaengana jo zuten arreta handiz, eta, mobilizazioaren dimentsioak inpresionaturik, Gasteizko taldeak eta Kaiserlaurternek datorren astean jokatu-ko duten UEFAko partiduan ere berdin izango ote den galdetu. «Are gehiago!», erantzun zien Bermeokoak.

PARTAIDETZA

Hego Amerikako zenbait etniatako indioek ez zuten irteera galdu

Hego Amerikako etnia batzuetako hamabi lagunek korritu zuten 12. kilometroaren bigarren zatia, Eusko Jaurlaritzako langileen ondotik. Euskal Herrian daude azkenaldion, Arrasaten, esperientzia komunitarioen berri izateko. Kitxua etniako neska gazte batek eraman zuen lekukoa, eta amaieran esan zuen «pozarren» hartu zuela parte.

KORRIKA TXIKIA

Gaur arratsaldeko 15:00etan abiatuko da Jose Mardones kaletik

Gasteizko Korrika Txikia irtingo da gaur arratsaldeko 15:00etan AEK-k Jose Mardones kalean duen Aixkiria euskaltegitik, eta 14:30ak aldera amaituko da Plaza berrian, non festa erraldoia antolatu duten. Jaia mundiala izango da berriro Gasteizko kaleetan... eguraldiak pixka bat lagundu ezean, behinik behin.